

vit se errasse, & dimisit opus. Inspicite ergo qualiter faciatis amplexari, punica enim suam amplexata coniugem, velociter in suum corpus transit, liquefacit, congelat, diruit, ac confringit, Demum rubor non moratur. Et si conficiatis absque pondere mora eveniet, qua eveniente malum putabitur. Iubeo autem ignem nostrum in liquefaciendo lenem, ipso autem in terram verso, intensiorem facere, & imbuere ipsum, quousque extrahat DEUS nobis colores & appareant.

*rubor non moratur.
Ignis.*

Sermo Vigésimus octavus.

CUSTOS ait: miror universa Turba de tanta vi huius aquæ ac natura: nam cum introierit in hoc corpore vertit ipsum in terram demum pulverem, quem si vultis apud perfectionem experiri manu accipite, & si in palpabilem, ut aquam inveniatis est optumus. Sin autem iterate ipsum coquendo donec peragatur. Et scitote quod si aliud quam æ nostrum accipiatis, & aqua regatis nostra nihil vobis prodest. Si autem aqua nostra, nostrum æ regatis omnia, à nobis prædicta invenietis. *Turba autem, respondit:* Pater non parum invidi obscurarunt cum dixerunt. Accipite plumbum & argentum vivum candidum & regite ipsum ~~rore & sole,~~ donec lapis fiat numinosus. *Et ille:* æ nostrum significaverunt, & aquam nostram permanentem quam tibi, coquite dixerunt leni igne quæ illo igne cocta fit lapis nummosus, de quo sapientes dixerunt, quod natura naturâ lætatur, propter propinquitatem quam sciunt existere, inter hæc duo corpora scilicet æs & aquam permanentem. Horum igitur duorum una est natura, inter quæ est propinquitas mixta quæ si non esset, non tam velociter miscerentur, & continerentur ad invicem ut unum forent. *Inquit Turba:* cur dicunt invidi, Accipite æs quod nunc fecimus, & quousq; factum est aurum assavimus.

Aqua Vis.

Sermo Vigésimus nonus.

DIAMEDES ait: iam dixisti Moyse non invidens quod oportet. Dicam ergo verba tua certificans, elementorum, autem duritatem prætermittens, quam sapientes auferre voluerunt, cum dispositio hæc apud se preciosissima sit. Scitote omnes doctrinæ huius investigatores, quod non exit ex homine, nisi homo nec ex brutis animalibus, nisi similia sibi, nec ex volatilibus, nisi sibi similia: compendioso hæc tra-

*similia a
similibus
veniant.*